

甲午丁丑丙戌庚子壬寅丁未戊申己酉辛
亥癸卯丙辰乙巳丙戌丙辰

已上是寶日

己丑戊戌丙午壬子甲寅乙卯己未庚申辛
酉癸亥戊辰丁巳丙辰乙未

已上是專日

右我寶專等日傳受經錄吉日亦具受道
曆

相刑自刑日

子刑卯卯刑子己刑申申刑寅寅刑己未刑
丑丑刑戌戌刑未辰午酉亥自刑

右四辰自刑章醮切須看之

赤松子章曆卷之二

卷二

二十六

赤松子章曆卷之三

卷三

天早章

具法位

上言謹按文書其以下愚遭逢道會得親聖
世因緣幸遇染在大法伏蒙

太上廣覆師君矜愍功無絲髮夙夜憂惶如
履冰谷無以上答天地之恩臣受法之日約
當虔奉師門布散道德助國扶命拯拔一切
救物為先自頃已來天地運否陰陽相刑四
時失度國境亢旱未稼不登慮以杖災競起
純陽在上凝陰在下二氣不交玄澤不降早
風烈日萬姓熬然稼穡焦枯涸魚懼日良由
帝王受天禪祚君臨萬邦三才台輔伯牧股
肱宰長首吏等不能俯仰理物治功不逮臣
等受道重任宣化無方不能理正允中調
和氣序致使五行失度天災所衝伏尋科法
道氣廣覆洽潤生靈臣等伏聞乾知泰始坤
作成物天地交泰而品物咸亨春生夏長秋
收冬藏陰陽和順草木滋榮五穀成熟太陰
主雨立春之日男以農種女以桑麻冀以秋

死罪伏願

太上無極大道三師君夫人好生惡死特垂
大道之化願上官典者為分別五行驅處律
呂羅列八卦標明節月使陽不侵境陰不退
度五來鎮一水自潤下五來升二火自炎上
五來乘三木自曲直五來除四金結從革五
來自偶法滋稼穡須五而成而無不生然後
使鶉火收焰玄枵吐津箕宿傾舌畢宿動根
五獄摘石四瀆騰泉伏乞
天恩哀愍謹請靈臺宮中漢明君各一人官
將百二十人主攝天雷等元名官中小玄明
君一人官將百二十人主攝河伯呂公子三
十六水帝十二溪女九江水帝河平侯掾吏
中部水神興雲下雨河天官中九海北玄君
一人官將百二十人主下水氣出風雷太山

宮中泗州九谷君官將百二十人主起水氣
又請泗州九海君水帝又請浮雲使者等官
將百一十人一合來下與某州縣邑下地主
明大社神名山大澤源谷山川之靈古今卿
士大夫有功於民以配廟食者及諸村鄉亭
里域真官注氣營傳符廟司舍一切諸神君
降下同心盡力輔助天道以行神靈興雲降
雨洪澤沖濡旱苗蒙膏潤之榮萬民有來蘇
之命功成事立言功舉遷風伯雨師亦同升
三天預酬勞苦願天曹告下速使旱魃之鬼
應章消滅特從

太上三師乞巧應驗不負効信恩惟
太上分別哀臣愚劣謹因二官直使正一功
曹左右官使者陰陽神訣吏科車赤符吏剛
風騎置驛馬上章吏官各二人出操臣某謹
為某等天氣旱燥恐百穀失收拜上請天官
以時降下潤澤流注寶章一通上詣
三天曹伏須告報臣某誠惶誠恐稽首載拜
以聞

請雨得水過止雨章

具法位

上言謹按文書某遭值運會得承師道助國
扶命頃以寒暑不節秋蟄滋生初陽以來亢
旱無雨人失農務禾稼萎枯臣謹為百姓寒
心請乞披雲降雨洪澤四注陰氣遍降遂爾
不息霖雨浩衍百川滂溢萬姓廢業田苗蕩
沒朝野憂難請臣謹依舊儀寶章上聞願乞
遷達臣前所詣告雨泉官並還天曹中官錄
畧進受功賞重請天公正氣君一人官將百
二十人河上玉女千二百人各一合下上請
天曹止雨移風風伯雨師依四時八節無令
越錯收雲斂翳三光麗景當為止雨諸官言
功報賞以為効信恩惟
太上分別哀操臣謹為請雨蒙荷上恩今
乞停止拜章一通上詣

某曹伏須告報臣誠惶誠恐稽首載拜以
聞

却蟲蝗鼠災食苗章

具法位

上言謹按文書某日載幸遇得奉清化某以

多招災祉比年田種每不如意今年於某處

野穗種植災蝗所食不可禁止向臣求乞穰
辟謹為伏地拜章上聞願請北門宮中天田
君一人官將百二十人主為某家辟除災蝗
蟲鼠傷犯苗稼者一切蟲鼠為害皆今消滅
重請地盡官中臣天野君官將百二十人下利
田作令樟鹿百鳥蟲鼠不得傷害重請三氣
陽元君官將百二十人治黃雲宮中主收鳥
獸傷暴殺稼之精不得為害
虛皇天道勅所在土地山林孟長十二溪女
社稷色君令某田收信獲無復災損如願之
日不負効信恩惟

太上分別云云謹為某日拜奏上請
天官今春田作蝗蟲鼠災委侍道氣令得防
護寶章一通上奏

三天曹伏須告報臣等誠惶誠恐稽首載拜
以聞

收鼠災章

具法位

上言謹按文書臣某并弟子素以草苗子孫

田作為業千載有幸得奉

大道賜佩重錄顯加治職天官吏兵以自營
衛罪積山海功無絲髮上答天地不敢自寧
某處田作橫被鼠災傷損非可禁止臣不勝
所見謹為伏地拜章一週上聞特從

無上大道諸君丈人三師君夫人上官典者

垂恩省察謹上請三五陽元君官將百二十
人治黃雲宮中重請南山白虎將軍吏兵一
合來下收捕境內羣鼠人還曠野有穀之地不
得停住界內某鄉里土地山林孟長十二溪

女社稷邑君同為收絕鼠耗以時靜滅使五
穀豐登百姓蘇悅以荷大道生育之恩不負
效信恩惟

太上分別云云

收除虎災章

具法位

上言謹按文書某素以胎生下官子孫千載
幸會遭逢

大化被受厚恩夙承師道賜某天師符錄以
自營衛龍光重查實為過泰屬以時遇凶災

虎狼入境餐食生人傷害六畜日月滋深無

由禁止唯恐某家男女年命衰厄羅網縈纏
觸犯眾禁太歲將軍行年本命十二禁忌非
尸故氣飲食之鬼山精海靈百二十精魅及
太古已來顛倒將軍道上將軍各稱官號與

五方神傷當路神傷並乞不為患害某上請

北玄君一人官將百二十人治黑治官重請
北平護都君官將百二十人治赤治官一合來
下與禁斷所居里域真官注氣監察考召山
川社稷土地之主同心共意讓却虎狼之害

重請伏行宮中百精君一人官將百二十人
一合來下主收眾老百氣之精與人作妖害者
重請制地君一人官將百二十人天中督御
河伯水帝十二書事主收捕五方虎狼傷殺
萬物百二十傷注腥血之鬼斷絕中外死七

傷注之氣重請九夷八蠻六戎五狄三秦君

各隨方位春夏秋冬與某家宅三將軍二十

四吏兵士三十萬人勤加營護一切眾生並
令掃蕩願州縣某家男女大小牛馬六畜行
來出入不逢虎狼眾災之難毒害不過此境

華業全祐將軍吏兵効力之官言功報勞不
負効信恩惟

太上分別云云謹為某驅逐凶獸拜章一週
上詣

某曹云云

解呪詛章

具法位

上言謹按文書某即日口辭自列千載幸會
得奉

大道但以愚鄙信向多違招延考氣比者居
止軼軻夢想紛紜怪異妄生妖祥屢起四支
沈重顏色痿悴精神浮散不附身形占筮推
求云有惡人更相厭禱牽引天地指鬼呼神
呪詛百端或題刻姓名或畫作形影或以刀
刺心或割髮截指將告神社恐有百盟之鬼

所見拘執莫知何功可以解釋防保身命唯

用丹心特齋儀信上憑

大道告許向臣求乞章奏醮解呪詛謹為伏
地拜章上聞
天曹伏願

太上老君太上丈人三師君夫人門下典者
垂神省理檢勅若是春三月寅卯辰呪詛厭
禱某身上請東方九夷甲乙君為某禱而解
之若是夏三月巳午未呪詛厭禱某身上
請南方八蠻丙丁君禱而解之若是秋三月
中酉戌呪詛厭禱某身上請西方六戎庚
辛君禱而解之若是冬三月亥子丑呪詛厭
禱某身上請北方五狄壬癸君禱而解之
若是四季之月呪詛厭禱某身者願中央三
泰戊己君消而解之或二十八宿呪詛厭禱
者願隨方星宿君禱而解之或被惡人畫作
形像及刀刺心或道上神社壇場牢獄樹木
神靈井竈之中或與河伯水官俗中邪師私
有鬼神之處伏以
太上清高三天遐邇正氣悠遠邪氣縱橫枉
害良民遭者非一某橫罹無辜深恐一旦奄
沒鬼官乞丐
太上大道太上老君太上丈人天師女師三
師君夫人門下典者五氣真君留神省念或
犯五盟七呪之罪伏請太元兵士百萬眾又

請禱倒君兵士十萬人一合下為某放遣三
魂七魄不得留執還魂制魄平和神氣分解
身中千邪萬鬼永不干亂一切邪神呪詛悉
乞消蕩所請天官依臣言功遷舉請住宅
以為效信恩惟

太上分別云

消怪章

具法位

上言謹按文書某即日口辭自列素以胎生
下官子孫千載有幸得奉

大道從來蒙恩誠實罔極但其比者宅舍不
安邪神擾動所向不吉凶災數見以今某日
忽見某色之怪開書列字憂慮非一求乞消
蕩百怪章一通伏乞上達

三天曹謹為弟子某家推尋怪兆理合申騰
依法齋芒繩一百二十尺刀一口及五方鎮
信錢米命素等物為拜上五方大消怪章一
通願

太上無極大道三師眾聖曲垂恩賜竊以東
方青怪自稱歲星妄作杖怪老木之精動作

青物多所中傷之東方青帝消滅怪殃南方
赤怪自稱熒惑動作赤物欲來所害願南方
赤帝消滅怪殃西方白怪自稱太白動作白
物專為凶逆妄為怪異乞西方白帝消滅怪
殃北方黑怪自稱辰星發泉源龜鼈之精動

作黑物轉易姓名乞北方黑帝消滅怪形中

央黃怪自稱鎮星動作黃物託號家親招集
不祥互作怪異乞中央黃帝除滅怪殃謹按

天師千二百官章表錄上請天昌君黃木兵
士十萬人督御君兵士百萬入又請無上元

士君五人各官將百二十人下為某家收捕
百二十殃怪一時掃蕩消而滅之眾老之精
前後愆咎乞垂原赦所請天官依三會言功
不負效信恩惟

太上分別云云為某去某月日見怪今求乞
天官五方大消怪章一通上詣

某曹云云

讓災却禍延年救命却殺都章

具法位

上言謹按文書某即日口辭自列云素以胎

生下官子孫千載有幸得奉

大道從來蒙恩但其入今歲之中推算年命災厄多端無福自輔唯憑一心求乞章奏以救拔身得遂安居伏乞三景真官切為分解年中天羅地網遊城赤鼠三丘五墓刑殺吟

辰俱欲為禍願迴保扶身命延益年算消災度厄謹為拜保護章一通上聞

天曹官官屬布散道氣流潤弟子某身中上請太和真一好生君五人運氣君五人解刑度厄君五人延命益算君五人請命保生君

五人太皇萬福丈人宮中天昌君黃衣兵士十萬人又請收刑却殺君斬刑絕殺君執刑收殺君各五人官將百二十人保佑弟子某身中百怪刑厄從一厄至于九厄之中皆令慶脫却死來生消災散禍迴凶作吉次及劫

殺災殺天殺地殺年殺月殺日殺時殺陰殺陽殺吟辰三殺五刑六畜欲為殃崇上請萬福君運氣君解厄君南上司命君太白明星君拘魂制魄君財庫君祿庫君定命玉曆君各五人官將百二十人為弟子某落除死簿

注上生名今依玄科齋法信命素絹一匹錢

一千二百文油一斗二升米一石二斗紙筆

香果等獻上十方靈官願為弟子辟斥邪魔

養護身命天官聖母等普願特為利便又重

請東方九夷君九九八十一官君寅卯辰甲

乙君為弟子某解除東方青災青厄青瘟青

毒青瘧青殺又請南方八蠻君八八六十四

官君巳午未丙丁君為弟子某解除南方赤

災赤厄赤瘟赤毒赤瘧赤殺又請西方六戎

君六六三十六官君申酉戌庚辛君為弟子

某解除西方白災白厄白瘟白毒白瘧白殺

又請北方五狄君五五二十五官君亥子丑

壬癸君為弟子某解除北方黑災黑厄黑瘟

黑毒黑瘧黑殺又請中央三泰戊巳君千二

百官君為弟子某解除中央黃災黃厄黃瘟

黃毒黃瘧黃殺并為辟斥五方黃病之鬼時

行瘴癘水火之災皆令消滅及杜里邑君同

心併力加備守護弟子某家福祿日新公私

清吉不負效信思惟

太上分別云云為某謹拜上却災拔命扶衰

度厄章一通過上詣

某曹云云

本命謝過口啓章

具法位

上言云云某素以胎生下官子孫千載運會

得奉

正一致屬道門遇蒙師老所見榮飭賜署符

錄以自檢慎進參中乘荷佩契重蒙任治職

奉道經寶過泰之恩實為罔極但臣某愚鈍

神氣不平三魂不守七魄不寧誠惶誠恐稽

首戴拜

皇上玉帝 臣等七世已來所行陰罪陽過

積惡殺生之罪名奏三官乞今以去令臣某

萬過消滅削除罪名邪氣珍散九福常寧七

祖父母下及玄孫魂魄升遷反胎還嬰令臣

某神仙久視長生太無比揖玉清誠惶誠恐

稽首戴拜

大素三元君 臣等七祖已來下及臣身所行

陰罪陽過殺生之罪簡過帝前從今已往乞

除罪名削死上生萬過除滅七祖父母反胎

五庭上昇日月遊行七星臣某稽首載拜

上清三素君臣等有知已來所行千罪萬過

上及七祖陰惡之罪各錄三官者乞從今已

去願令萬罪消滅邪偽不生陰罪散滅七祖

反靈身登帝堂迴眄玉庭臣誠惶誠恐稽首

載拜

四老道中君臣等七世已來上及七祖父母

所行陰逆積惡之罪名書三陰者乞從今已

往令臣千罪蕩散萬考傾除魂魄分明七祖

反胎萬靈侍衛五老定符壽同二儀名形玉

書臣誠惶誠恐稽首載拜

三司君願從今已後令罪結散蕩考氣消滅

百惡不生邪氣匪絕七祖昇仙三魂和練七

魄纏綿衆靈扶持得為上真臣等誠惶誠恐

稽首載拜中有上篇語相似不寫本二如此臣小子千載運會

得在道末忝受治職但臣頑愚生長流俗累

積山海無以自知貪生好欲夙興夜寐不自

定息伏乞

太上開化之恩澤施無外接爾愚民消罪之

法不以人微道劣敢冒清嚴拜章陳謝五情

震惶肝心破裂特從

道君乞三赦之恩愆臣丹懇並乞道氣日新

所得通利舉事如心門戶興隆大小受恩以

為效信思惟

太上大道君分別云云謹因衆官云云採臣

謹拜上

三天大道仰謝身年七世已來及生世三師

父母存亡陰罪陽過乞馬長生永保長存口

啓章一通上詣

太上三天曹載拜以

聞

飛度九厄天羅章

具法位

上言云云謁在某宮絕命在某宮本命在某

忌某年某月恐有天羅所纏地網所繞只知

惶怖不自分別唯專一心上憑

大道天師科儀謹為某家拜奏飛度九厄天

羅章謹辦青絲一百二十尺算子一百二十

枚命米一石二斗命素絹一匹錢一千二百

文香油紙筆等為求乞救解過度災厄章一

通謹請東方春三月寅卯辰甲乙九夷君九

九八十一官君謹請南方夏三月巳午未丙

丁八蠻君八八六十四官君謹請西方秋三

月申酉戌庚辛六戎君六六三十六官君謹

請北方冬三月亥子丑壬癸五狄君五五二

十五官君各降臨醮座同心併力為某家等

消除災厄又請延命大將軍兵士千二百人

一合來下為弟子男女等延續年命扶度衰

厄永保元吉竟歲無他以為效信思惟

太上分別云云為某分解厄難飛度九厄天

羅章一通上詣

某曹云云

却三災章

具法位

上言云云去某月日抱疾所苦云云因師披

檢云云年命不利尋九宮飛符元辰算曆之

中有對算盡兼公私口舌水火虎狼蟲蛇一

切眾厄在身或今年劫殺或明年災殺或為

年殺月殺日殺時殺及吟辰之殺東方青殺

南方赤殺西方白殺北方黑殺中央黃殺又

恐天羅地網所見纏綿恐被一旦中傷不蒙
 脫免大小惶怖無所情計云云慮以年中一
 厄二厄三厄四厄五厄六厄七厄八厄九厄
 虎狼刀兵之厄賊役之厄三刑三殺之厄上
 請度厄君鎮命君壽命君益命君續命君脫
 厄延命君大福德君各官將百二十人上請
 皇天上帝日月華蓋北斗君三天錄都司算
 君度厄司馬并直使功曹下治其腹中百病
 正一功曹下治其心中百病治病功曹下治
 其脾中百病役氣功曹下治其胃中百病中
 部功曹下治其肝中百病陽神決吏下治其
 左腋下百病陰神決吏下治其右腋下百病
 狼吏虎賁下治其腸中百病察姦君吏下治
 其肺中百病鈞騎君吏下治其小腹中百病
 三官僕射下治其背脊中百病天騶甲卒君
 吏下治其二十指中百病天丁力士下治其
 頭腦間百病並各令除愈甲子將軍王文卿
 領兵士三萬六千人直息其左右防衛至酉
 甲戌將軍展子江領兵士三萬六千人直息
 其左右防衛至未甲申將軍扈文長領兵士

二萬六千人直息其左右防衛至巳甲午將
 軍衛上卿領兵士三萬六千人直息其左右
 防衛至卯甲辰將軍孟非卿領兵士三萬六
 千人直息其左右防衛至丑甲寅將軍明文
 章領兵士三萬六千人直息其左右防衛至
 亥六甲將軍六部兵將各部領兵馬三萬六
 千人尅時傳相契合隨逐其身東西南北行
 來進止真神衛護從直息防衛解散其身災
 厄辟斥溫氣悉令殄滅年命延長家口康寧
 眷屬休泰皆荷
 大道洪恩之德所請天官勞屈君吏三會吉
 慶日都章言功加官益祿遷賞不負效信恩
 惟
 太上云云其疾病厄難保命醫治却殺章一
 通上詣
 其曹云云
 青絲拔余章
 具法位
 上言其素以胎生下官子孫千載有幸云云
 頃者已來身中輒軻今歲行年云云今謹齋

法信白素四十尺以進命度厄命米一石二
 斗以倍糧益算以添倉儲斛斗錢一千二百
 文以證質丹誠定三百六十神氣日生一日
 安其宮室筆墨紙算子注上生名錫人五身
 請為其上詣五方代形易名香油燈燭繼續
 光明用錢米質信以表丹誠拔贖生命上請
 太上宮中拔命君十二人續命君十二人鼎
 倉王女五人司命君五人五緯宮中玉女千
 二百人明堂君一人南昌君一人朱陽君一
 人黃老君一人天魂地魄君各一人起生玉
 女千二百人玉曆素女千二百人天官地官
 水府官等各百二十人并諸官考召君吏同
 心併力為弟子其度脫年命住處平安安定
 無他所請天官依三會言功吉日舉遷不自
 效信恩惟
 太上云云
 疾病醫治章
 具法位
 上言云云頃日已來染疾恐沒溺生路詣臣
 求乞章奏

三天曹願為拔贖比旬日已來寒暑不節膝
理失所或當風卧冷致招此疾或五刑三災
謫罰但以愚塞不知將何省理上請五方生
氣以濟醫治特願

太上無極大道太上老君諸君丈人天師君

三師君夫人慈父聖母留恩省念賜以道氣

覆廢某身謹謁天曹上手天醫太醫君更十

二人下為某身隨病所在即為救療上請治

病功曹十五人為某上請天曹削除某前世

今生所犯罪源五臟之中四肢百脉皆蒙愈

差次請東方青生氣南方赤生氣西方白生

氣北方黑生氣中央黃生氣並下某身中又

上請解考君度命君益算君防民君誅殃禍

君遊羅天討軍地境大將軍各收邪精故氣

疫毒之鬼中病者痊復云云所請天官依三

會言功遷實不負效信息惟

太上分別云云

疾病困重收滅災邪拔命保護章

具法位

上言云云緣身疾病困重告急於臣求乞章

奏為某所犯罪結尤重依憑

大道如蒙哀枯乞賜進算令疾病即日痊可

謹請陰陽治病功曹五官醫吏詣鳳凰太宮

日月之中請取太清五色神藥灌注口中流

布百脉腹內曾膈之中痼疾皆能消愈本官

持藥火官主灸金官持針水官主湯土官和

劑各隨所使九竅相承五臟通暢六腑和調

上請和考君太和君太陽君延壽君保命君

度厄君五帝丈人都氣君又請高魔大將軍

返甲逆鱗兵士三十萬眾下為某身五臟六

腑四肢關節十二宮室百二十關機伏乞併

力掃除惡鬼或係綴某身者請告天地水三

官五嶽四嶺山林孟長二十四禁忌並與臣

身中所佩剛風赤天騎吏同共收捕惡鬼又

願萬福君天倉君東方青氣君南方赤氣君

西方白氣君北方黑氣君中央黃氣君各領

兵士下為某身中驅遣邪氣乞蒙平復延續

性命保守無他得如所願三會吉日言功舉

還不負效信息惟

太上分別云云為某身染重疾困頓在牀拜

上拔命保護章一通上詣

某曹云云

扶衰度厄保護章

具法位

上言云云但某身承承下官之胤因六氣以

成形蓋萬劫之良緣沐三光之照耀處非常

之世得預人流以今年災厄深重日月長遠

負言難保伏聞

大道含澤拯拔黎民使枯骨重榮迴骸起死

并沐此大恩甚為無量或恐厄在東方天獄

之中者請東方青帝甲乙九夷君從官九九

八十一官君乘青龍飛行萬里持節執符主

為某解東方青炎青厄青瘟青凶青毒春三

月災禍之氣悉為蕩除若厄在南方天獄之

中者請南方赤帝丙丁八蠻君從官八八六

十四官君乘赤龍飛行萬里持節執符主為

某解除南方赤災赤厄赤瘟赤凶赤毒夏三

月災禍之氣悉令蕩除若厄在西方天獄之

中者請西方白帝庚辛六戎君從官六六三

十六官君乘白龍飛行萬里持節執符主為

其解除西方白災白厄白瘟白凶白毒秋三
 月災禍之氣悉令蕩除若厄在北方大獄之
 中者請北方黑帝壬癸五狄君從官五五二
 十五官君乘黑龍飛行萬里特節執符主為
 其解除北方黑災黑厄黑瘟黑凶黑毒冬三
 月災禍之氣悉令蕩除若厄在中央天獄之
 中者上請中央黃帝戊巳三泰君從官三三
 為九九千二百官君乘黃龍飛行萬里持節
 執符主為其解除中央黃災黃厄黃瘟黃凶
 黃毒解除其身中從一厄至于九厄八難並
 乞消除又請

皇天上帝日月五星五帝王相華蓋北斗君
 三天却錄司命君一合下為其解除三災九
 厄并解今年瘟黃瘡氣悉皆遠離身心即日
 奉齋儀信白素絹一匹命米一石二斗鎮錢
 一千二百文油一十二升香燈紙筆等以為
 效信表質丹誠上請
 太上三天解死籍上生名削除萬病之厄家
 口平安道力扶助職祿永遷蒙恩之日所請
 天官吏兵依臣三會吉日言功不負效信恩

惟

太上云云拜上

天官扶衰度厄章一通上詣

其曹云云

謝土章

具法位

上言云云比者已來居宅不利招延災考其
 處宅中土精地靈更相追責不知修何功德
 防保家口唯用一心仰憑
 大道向臣求乞章奏上詣

三天曹願上官主者以時平省謹為上請謝
 土君五人制地君五人解土君五人安土君
 五人定宅君五人各官將百二十人一合下
 為其家披謝五方五土眾神但其自從立此
 宅已來新舊掘鑿移離換柱造立屋舍起土

興工平高就低改動門戶六甲禁忌瓦石萬
 靈沈屍伏藏銅鐵白土黑土黃土土皇土王
 土相土府將軍土公土下君侯二千石陰土
 陽土四時五行中央太皇宅前宅後宅左宅
 右五土神王中庭令長夾門大夫門丞戶尉

井竈精靈青龍白虎朱雀玄武騰蛇伏龍太
 歲太陰太陽司命十二時辰將吏天剛太一
 勝先小吉傳送從魁河魁登明神后大吉功
 曹太衝拘刑破殺土中具靈四孟四仲四季
 子午卯酉天門地戶東方土神所犯解謝震

官南方土神所犯解謝離宮西方土神所犯
 解謝兌宮北方土神所犯解謝坎宮中央土
 神所犯解謝乾坤艮巽等宮並蒙赦赦其守
 宅大神晏子太戴蓋屋三重遠舍三市東西
 南北邪精故氣及諸禍害一時消蕩乞其家
 大小永保元吉云云恩惟

太上分別求哀云云起造宅舍以來觸犯宅
 神土公禁忌更相追責拜上
 天官搜謝解釋考氣乞恩口章一通上詣
 三天曹云云

却虛耗鬼章

具法位

上言云云但其口舌橫生奴婢逃叛皆緣虛
 耗鬼魅相仍謹請
 五福天官地祇十二官將百二十人尋究此

章奏上為某家收捕宅內五虛六耗之鬼各歸本方或青虛青耗之鬼遣歸東方青帝收而禁之勿令遊走或赤虛赤耗之鬼遣歸南方赤帝收而禁之勿令遊走或白虛白耗之鬼遣歸西方白帝收而禁之勿令遊走或黑

虛黑耗之鬼遣歸北方黑帝收而禁之勿令遊走或黃虛黃耗之鬼遣歸中央黃帝收而禁之勿令遊走干擾人家所請天官兵吏及

某家守宅三將軍等三十萬人同心併力為某馳遣宅中虛耗退散願某家資產集聚

迴凶作吉田蠶萬倍牛犢盈欄金銀增積口舌潛消災厄不生所願皆成人人口平康財食增長云云

言功安宅章

具法位

上言某若干人住宅不安慮觸冥司招延考氣以今年運五毒流行中傷天民不擇良善蓋某以胎生無知下官子孫千載幸會得奉大道常懷恐懼無地自安頃者家口大小處在其中不自保持憂慮尤切為比年或有修

補攝靈移離換柱事非一條觸犯天禁地忌太陽太歲將軍神頭神足行年本命大虛小耗災殺劫殺勾陳白虎十二時神土靈土殺一切虛耗上下土官慮有觸犯致某家舍宇宅神不安并竈龍神之主不為利便願與某

安穩宅舍遷連各得安居謹按天師千二百官章上請卿邑大夫神君官將百二十人下為某家分解前後所犯禁忌並乞消除伏請

制地君五人官將一百二十人為解太歲太陰太陽大將軍大小虛耗蠶室畜官上下禁忌之鬼一切並乞消滅謹請東方青帝九夷

君南方赤帝八蠻君西方白帝六戎君北方黑帝五狄君中央黃帝三秦君四季五土更

相分氣及四方官將並為某家宅中收除禁忌千精萬邪下官故氣歲月日時災殺破害

之鬼一切消滅五帝安宅諸禍不生利祐一歲之中四時安穩八節無災二十四氣相應乾上廣覆坤下普載永享貞吉震生青龍治宅左離生赤龍治宅前兌生白龍治宅右坎生黑龍治宅後坤生黃龍鎮宅中央五龍治

宅辟除不祥消滅凶惡掃蕩千殃神龍安鎮四隣和睦改逆從順除前愆成後善道氣流行宅舍清吉仕宦高遷所求如意從心之日不負效信恩惟

太上分別求哀云云為某家恐居宅不安龍神不利禁忌撓動謹拜上上請

斷瘟毒疫章

具法位

上言云云即日自列千載有幸得奉大道被蒙恩覆以自營衛但某百行多違招延考氣大小疾病日轉有增詣且求乞章奏今瘟氣斷絕臣以暗昧不明鬼氣按天師千二百官章有下官故氣邪淫鬼賊周天市地妄生災禍社害良民伏聞

赤瘟鬼名士言在西方生白瘟白毒白疰鬼
 名白幸在北方生黑瘟黑毒黑疰鬼名大黃
 奴父子七人男女兄弟各行惡毒疫氣正月
 至十二月各有瘟鬼隨其放逸天下病害又
 甲子乙丑寅卯辰巳午未申酉戌亥十二月
 辰瘟鬼皆有名字從十二時上來五方五色
 黃奴老蟲致今末世愚民逢禍致死不可稱
 計且受法之日約當助國扶命醫治百姓按
 如科文誅滅邪偽掃除逆鬼皆令滅絕且備
 受治職謹當伏地拜章上聞

太上無極大道諸君丈人鴻恩覆護某家悉
 與掃蕩羣精滅絕惡鬼根本上官使者時蒙
 斷省願東方主斗成主絕青瘟南方主斗平
 主絕赤瘟西方主斗遷主絕白瘟北方主斗
 長主絕黑瘟中央主五父君主絕黃瘟東西
 南北四維上下十二時神並令營衛惡鬼無
 令放入又東方青帝南方赤帝西方白帝北
 方黑帝四方一時同臨祐助上請高天萬丈
 百鬼中王萬二千人兵士各八十萬眾與臣
 身中吏兵及守宅三將軍二十四吏兵士三

十萬人併刀同心蓋屋三重繞宅二市兵刃
 向外一時掃蕩凶逆邪精並令消滅所請

天官言功報勞不負效信恩惟

太上分別云云為某家拜請天官乞恩防斷

疾病并隣里疾病請五方天官收捕五瘟疫

瘟鬼賊章一通上詣

三天曹云云

赤松子章曆卷之三

赤松子章曆卷之四

四四

斷鬼泉章

具法位

上言云云某即日叩頭自列口乞恩辭素以

胎生千載慶幸得奉

大道忝切蒙恩頃者已來居處輻軻疾病相

連卜筮云是山泉三河為禍并此間土地山

林覓食之鬼侵害某身憂怖屏營不知修何

功德唯用一心上憑

大道以救性命告訴向臣求乞章奏收除里

城東西南北山泉四壟河中諸雜鬼神橫行

禍崇之者一切乞令收斷且職叨典治謹為

伏地拜章一通乞

太上老君太上丈人垂恩料省原赦某身恐

是山丘壟泉三河五河乳母等鬼作此妙害

上請麾幢大將軍跋湖大將軍各五人返甲

逆鱗大將軍五人兵士一萬人重請覓音大

將軍官將各百二十人搖天動地九氣君吏

兵士一千二百人請左靈君右靈君高天大

將軍盟威君八卦君各官將百二十人上請

將軍盟威君八卦君各官將百二十人上請

